

Hexadesmia Brongn.

H. pachybulbon Schltr., nov. spec.

Epiphytica, pro genere robusta, usque ad 36 cm alta; rhizomate valde abbreviato; radicibus filiformibus, flexuosis glabris; pseudobulbis more generis stipitatis, fusiformibus, crassis, apice bifoliatis, stipite 6—7 cm longo incluso usque ad 12 cm longis, medio vel infra medium c. 2 cm diametentibus; foliis erecto-patentibus vel suberectis, 11—17 cm longis, 1,4—2 cm latis, ligulatis, obtusis, apice ipso breviter excisis; racemis apicalibus subsessilibus, laxius 2—4-floris, erectis; bracteis scariosis, elliptico-lanceolatis, acutis, ovario fere duplo brevioribus; floribus in genere inter majores, fide collectoris albis, glaberrimis; sepalis oblongis, acutis, 3-nerviis, 1,1 cm longis, lateralibus obliquis, nervo mediano extus carinatis; petalis oblique oblongis, acutis, 3-nerviis, quam sepala subaequilongis; labello circuitu oblongo-pandurato, medio fere constricto, marginibus subcrenulato, apice rotundato breviter exciso, basi late rotundato, nudo, 1,2 cm longo, supra basin 6 mm lato, infra apicem 7 mm lato; columna mediocri, semitereti, 7 mm longa; ovario pedicellato subfusiformi-cylindraceo, glabro, c. 2 cm longo.

Panama: Chiriqui, 4500 Fuß ü. M. — no. 229.

Sicher ist die Art mit *H. rhodoglossa* Rehb. f., für die ich sie anfangs hielt, am nächsten verwandt. Sie ist aber kräftiger im Wuchs mit einfach weißen Blüten und verschiedener Lippenform. Diese dickbulbigen *Hexadesmia*-Arten, als deren Typus *H. fasciculata* Brongn. gelten kann, werden am besten den schlanken Formen, wie *H. crurigera* Ldl. als eigene Sektion, *Euhexadesmia*, gegenübergestellt.